

2. 2. Գասպարյան

ՄԻ ԴՐՎԱԳ ՀԱՅԿԱԿԱՆ ՄԵԾ ԵՂԵՌՆԻՑ

«Իթթիհատ վե թերագզը Ջեմիյեթի» (Միություն և առաջադիմություն ընկերություն) կառավարության հայաջինջ ծրագիրն ի կատար էր ածված նրա 1915 թ. դիվային հրամանով:

Պատմական Հայաստանի գավառների բոլոր տղամարդիկ, ներառյալ երեխաները, անխտիր սրի էին քաշված...

Օսմանյան կայսրության մնացած բոլոր անկյուններում բնակվող հայերը, բացի Կ. Պոլսից և Ջմյունխույից, տեղահան արվելով, բռնի բռնվել էին Սուրիո կիզիչ ավազուտները՝ ճանապարհին կողոպտվելով, զանազան տանջանքների ենթարկվելով, քաղցից, ծարավից, տապից մեռնելով:

Կ. Պոլսից ևս, բացի 200 հայականավոր մտավորականներից, արսորվեցին 22 հազար գավառացի հայ սյանդուխտ տղամարդիկ (բոլոր տարիքի) որոնց թվում նաև՝ ես:

Անատոլիան Եվրոպային և Իրաքին կապող, այսինքն Կ. Պոլսո ասիական մասից՝ Հայտար փաշայից մինչև Պարսից ծոցը գերմանական ընկերությանը պատկանող երկաթգծի լուսանձին հատվածներն իրար միացնող, աշխատանքները տարվում էին մեծ թափով, անզու-Ֆրանսիական հարավային ճակատը գինվորներ հասցնելու համար:

Գործող երկաթուղին բաժանվում էր երեք հատվածի: Առաջին հատվածը Կոստանդնուպոլսից մինչև Բոզանթիի, երկրորդը՝ Քարսուսից (Տարսոն) մինչև Ոսմանիա, իսկ երրորդը՝ Իսլահիայից մինչև Սուրիա:

Երկաթուղու կառուցման համար պատրաստի, էժան աշխատուժ էր հայ արսորյալ զանգվածը: Աշխատունակ տղամարդ ունեցող ընտանիքներին թողնում էին աշխատեցնելու համար, իսկ մնացածներին բռնում... Այս ևս մշակված ծրագիր էր երկաթուղին շուտափույթ կառուցելու համար: Իսկ աշխատանքներն ավարտելուց հետո այս տղամարդիկ իրենց ընտանիքներով ևս արժանանալու էին մյուսների բախտին, թերևս ավելի սոսկալի ձևերով:

1915 թ. ուշ աշնանը Թագայից՝ մահվան ձիրաններից ճողոպրելով ետ էի փախել և 1916 թ. գարնանը խառնվել հայ արսորական աշխատավորներին «Ինթիլի» կոչված փոքր լեռնահովտում, ուր օր ու գիշեր անդուլ աշխատանք էր գնում շորս ստորերկրյա ուղիներում: Դրանցից մեկը Այրան թունելն էր 2100 մ երկարությամբ, մյուսը՝ Քելլեթ թունելը 500 մ երկարությամբ: Այս գծամասում, բացի Այրան թունելի վրա աշխատող բանվորներից, կային ավելի քան 3000 հոգի (իմ համարը 2864 էր):

Մյուս երկու փոքր ստորերկրյա ուղիների շինարարական աշխատանքները վաղուց ավարտվել էին:

1 Թագան փոքր քաղաք է Տեր էլ Ջորի մոտ:

1916 թ. հունիսի կՔաբրին Քեյլլեր Բուննիի աշխատանքներն ավարտվեցին, իսկ Այրան Բուննիին ավարտվելու մոտ էր:

Հունիսի 23-ին, կիրակի օրը, մեզ արդենցին կացարաններից հեռանալու Տեղեկացանք, որ Թալիաթ ու Լնվեր փաշաները եկել են գծի աշխատանքների ընթացքին ծանոթանալու... Լսեցինք նաև, որ Թալիաթը ստամոքսի սուր խիթեր է ունեցել և դուկտ. Ֆիլիպը (հայ) իսկույն բուժել է. (արդյոք խիթերը հայ տեսնելուց էր ունեցել):

Հունիսի 27-ին, ամառվա ջեռուցիչ արևը նոր էր ճառագայթները սփռել ինթիլիի ձորայանջերի թփուտներին: Մենք սովորականի պես հագնվում էինք աշխատանքի գնալու, երբ հանկարծ ականջներիս հասան ոստիկան ղինվորների ձայները. «Շուտ արեք, հագնվեք ու դուրս եկեք»: Նրանք դեռ զիշերվանից պաշարել էին բոլոր կացարանները, որ մարդ չփախչի: Ես ու Գեղամ Մելիքյանը (Սան Ստեֆանոյից քսորված) որոշեցինք իսկույն նետվել ձորի թփուտների մեջ: Դուռը բացեցինք: Եվ ի՞նչ, դռան առաջ ցցված էր 3 ոստիկան ղինվոր, ղենքը ձեռներին...

Ոչ ոք չէր իմանում, թե ի՞նչ է կատարվելու, սակայն ներքուստ հասկանում էինք, որ մահվան ենք գնում: Մինչև բանվորներին կարգի կշարեին, ես ծլկեցի, մտա երկաթագործի մոտ Քիլիսցի Լյուդվիգի կրպակ-արհեստանոցը և երկուսով դուռը ներսից պինդ փակեցինք: Լուռ ու մունջ կծկված նստել էինք: Դուրսը կանանց, երեխաների օհչ ու վայնասուն, մարդոց աղաչանք, ժանդարմի հայհոյանք խառնվել էին իրար:

Անցավ մոտ երկու ժամ: «Մենք վերկվեցինք», մտածում էինք, երբ հանկարծ մի ուժեղ հարված կպավ կրպակի կիսախարխուլ դռան, երկրորդը, դեռ երրորդը շհասած, մեր «հանցանքը» թեթևացնելու նպատակով դուռը բացելիս հրացանի փողի մի հարված կպավ զլխիս, որից խուսափեցի: Երկու ոստիկան հրացանակոթով խզակոթներիս տալով մեզ տարան հավաքատեղ, որն ընդհանուր գրասենյակի առջևն էր: Այնտեղ հավաքել էին միայն տղամարդկանց՝ աշխատավարձ վճարելու: Մինչև երեկո կիզիշ արևի տակ, սոված-ծարավ, պահակ ոստիկանների շղթայով բոլորված սպասեցինք: Ոչ մեկի անունը դեռ չէր կարդացվել փող վճարելու համար: Ոստիկաններն աստիճանաբար օղակը սեղմում էին, նույնիսկ իրար վրա նստեցնելով: Վերջապես սկսեցին մի քանի հոգու անուն կարդալ և հեռվից փող շարտել նրանց: Հազիվ 10—15 անուն կարդացել էին, երբ ներկայացավ տեղի մշտական հսկիչ, հարյուրապետ Սապրի բեկը. որը դեմքը խոժոռելով, արհամարհական մի լսիքը հայացք գցելով մեզ վրա, մտավ գրասենյակի վճարումը դադարեց: Մի քանի րոպե հետո հայտարարվեց. «Դուք գնալու եք Խարա-Բաբա² և Կյուլլեկ-Բողաղի աշխատելու, հետևաբար աշխատավարձը կստանաք օւնտեղ: Տարբերություն չկա, մեկ ընկերություն է. հիմա արգեն ուշ է և ցուցակները լրիվ շեն»:

Սառը քրտինքը պատեց բոլորիս: «Ըթե իրոք ասված տեղը պիտի գնալինք աշխատելու, չէ՞ր կարելի ամսի վերջին ուղարկել, և ոչ ոստիկաններով սպառված վիճակում», մտածում էի ես և թերևս ինձ նման շատերը: Նույն-

² Խարա-Բաբա վայրը հին Լամբրոն, բնական անառիկ ամրոցն է. որն Ոչին Արցախեցին 1073 թ. իր տոհմով ու զինվորներով փոխադրվելով Կիլիկիա՝ այն գրավեց արարներից և զոյակը ժառանգություն ստացավ Ալեքս Կոմնենոս կայսրից, իսկ Ոչինի նղբայրը՝ Բաղունին, տիրեց Տարսուր (Թարսուս) (Լ. Լ. Զ ա գ մ ա գ ճ յ ա ն, Ռեզարձակ պատմություն Հայոց, Պոսթոն, 1917, էջ 423):

խակ եղան մարդիկ, որ այդ միտքը բարձրաձայն արտահայտեցին: Լսող շեղավ: Աշխատավարձի և տնտեսական այլ գործերը դեկավարում էր երկրորդ ճարտարապետը (այս անունով էինք ճանաչում նրան) նիհար, երկայնահասակ, շագանակագույն մաղերով մի գերմանացի: Նա լուսամուտից պլուխը դուրս հանեց, դննողական հայացք ձգելով հավաքվածներիս վրա, կարծես կարեկցական տեսք ընդունելով, գլուխը ներս քաշեց: Ներսից լսվում էին գերմաներեն ու թուրքերեն խոսակցություններ, որը դժվար էր հասկացվում: Սուր լսողությունս ավելի լարելով կարողացա որսալ հետևյալ թուրքերեն բառերը. «Սրանց փոխարինելու են 2000 անգլիական և ռուսական գերիներ... մեկն ու մեկը պետք է ողջ մնա...»:

Խոսակցությունը վերջացնելուց հետո զրասենյակի դռան շեմքին հայտնարվեց Սապրի բեկր իր ոլորած ընչացքով, հպարտ կեցվածքով, խուզարկու նայվածքով. «էֆրատ (զինվոր), — բարձր ձայնով խոսքն ուղղելով ոստիկաններին, որոնք ևս ձանձրացել էին սայասելուց, պատրաստ եղեք ճանապարհվելու: Սրանց (ցույց տալով մեզ) երկուսի բաժանելով տանելու եք մինչև Բաղչա: Համրանքով ձեզ հմ հանձնելու. մեկը որ պակսի, ոտից գլուխ պատասխանատու եք... ձեզ տեսնեմ»: Այնուհետև առանց հաշվելու հավաքվածներիս երկու մասի բաժանեցին, շարք կանգնեցրին, յուրաքանչյուր խմբի երկու կողմը հրացանը ձգանի վրա պատրաստ ոստիկան զինվորների շղթա կապած, քշեցին...

Ես ու Գեղամը ձեռք-ձեռքի բռնած, դատարկ փորով գնում էինք:

Մեզ տարան ձորի կարճ ճանապարհով, միշտ սեղմած մեր շարքերը: Բաղչա հասանք դիշերը: Մեզ լցրեցին ցածր պարիսպով մի բակ, հետո՝ շենքից ներս: Դա հայոց եկեղեցի էր, առանց հայի: Պահակները հսկում էին ամենայն խստությամբ ու պարտաճանաչությունով:

Լուսացավ: Բակից դուրս գալ շեր թույլատրվում:

— Մեզ խարա-Բաբա էիք տանելու, ինչու եք բանտարկել, — հարցնում ենք մենք: Պատասխան չկա:

Կեսօրին մոտ բերին երրորդ խումբը, այնուհետև կանանց ու երեխաներին (կրծքի երեխա գրեթե չկար): Նրանց թողին պարսպից դուրս, ծառերի տակ, գրեթե ազատ:

Երեկոյան դեմ եկեղեցու ետևի կողմը գնացի փախչելու նպատակով: Փորձեցի քանդված շենքի լուսամուտներից ջատկել: Հանկարծ բառաչի նման մի ձայն լսելով նայեցի. Քելլերցի Գրիպորն էր, թիկնեղ, հաղթանդամ, 50-ի մոտ մի տղամարդ, որին սվինահարեցին ոստիկան զինվորները: «Ուրեմն այստեղ էլ պահակ կա», — ասացի ինքս ինձ և հետ վերադարձա:

Այդ վիճակում մնացինք երեք օր: Հակառակ խստություն, կանայք փոքր երեխաների միջոցով որոշ ուտելիք հասցրին իրենց հարազատներին և այլ մի քանի հոգու, բայց ջուր՝ հնարավոր չեղավ: Մարդիկ ծարավից թուլացել էին:

Ադանայից եկան լրացուցիչ զինվոր ոստիկաններ. բոլորն էլ երիտասարդ, զինվորական դպրոցի սաներ: Հրամանատարն էր սև, դաժան դեմքով հարյուրապետ Աբգույլահր, 40-ն անց մի վիժվածք, որին այսուհետև կոչելու եմ «Սև հարյուրապետ»: Եկել էին նաև մի հազարապետ և Ադանայի նահանգի ընդհանուր ոստիկանապետը՝ հայերի աբսորը կազմակերպող արյունկզակ Ավնի բեկը:

Հանկարծ թնդաց Սև հարյուրապետի հետևյալ հրամանը. «Ժանդարմներ, այս անգութներին աստվածը, բրիստոսը ես եմ, խփեք դրանց, մի թողեք, որ նույնիսկ մի կաթիլ ջուր խմեն»:

Հրամանը լսելով կատաղի գազանների պես ոստիկանները վրա հասան ու հրացանակոթով, կոշիկի կրունկով սկսեցին հարվածել մոտակա առվից ջուր խմող մարդկանց: Այդպես նրանք մեզ ոտքի հանեցին, հավաքեցին, շորսական կարգ շարեցին: Ես, ըստ իմ փորձառության, կանգնել էի շորս հոգու արանքում: Հրաման եղավ համբելու: Ձիու վրա, մտրակը ձեռքին Սև հարյուրապետին բարձրաձայն զեկուցեցին: «Հազար երկու հարյուր քսանհինգ հոգի»:

— Էհ, կենտ է, պետք է զույգ թողնել,— հրամայեց հարյուրապետը, աչքով նշան անելով զեկուցողին:

— Վայ մայրիկ թնդաց օդի մեջ ու խլացավ... «Կենտը» սվինահարվեց: Ոչ ոք չէր համարձակվում ետ նայել: Մենք հրաժեշտ տվինք Բաղշային, իսկ շատերը նաև իրենց կանանց ու զավակներին...:

Մեր ճանապարհն անցնում էր այն ձորի միջով, որտեղից օձագալար հոսում էր Բաղշա-չայ վտակը, առատ, արծաթափայլ ջրով: Քայլում էինք առանց կարգն ավրելու. յուրաքանչյուր կողմը 34-ական ժանդարմ, հրացանները ձգանների վրա պատրաստ: Առջևից գնում էր կրտսեր հրամկազմը, իսկ ետևից, ձիու վրա, Սև հարյուրապետը: Մինչև իջևանելիք տեղը անցանք ոլորապտույտ հոսող վտակը 16—17 անգամ հատելով, բայց շատ քչերին հաջողվեց մի քանի ումպ ջուր խմել, որովհետև խմողին նշմարելու դեպքում տեղն ու տեղը ոչընչացնում էին:

Ազատ քայլելու համար ոտքիս քոշերը նետեցի: Աչ կողմս Գեղամն էր, ձախը՝ մեր կացարանից, դյորթ-յուցի (Չորք-Մարզպան) Մինասը: Մինչև երեկո տարբեր կողմերից հրացանների պայթույթներ էին լսվում: Ժանդարմները զատաստան էին տեսնում ցանկացածի հետ: Մեկ-երկու նահատակվածների վրայով անցանք, առանց իմանալու նրանց ով լինելու: Բաղշայից մի քանի կիլոմետր հազիվ էինք հեռացել, երբ շորս հոգի լավ հագնվածներ ջոկեցին, որպես «զենք ունեցողներին», որոնք այլևս չվերադարձան: Նրանցից մեկը վառվռուն երիտասարդ էր, անունը՝ Խաչիկ:

Մութն ընկնում էր արդեն, երբ մեզ հանեցին ձորի անտառուտ լանջը և տանձենու տակ ալյուրի պարկերի նման դարսեցին իրար վրա, այնպես որ, ինչպես ընկար, նույն վիճակում պետք է մնայիր, շարժվողը գնդակ կրնդունելու: Ժանդարմները շրջապատեցին մարդկային կույտը, որ չփախչեն, բայց ո՞վ կարողութուն ունեք փախչելու: Ես այդ երեկո հասկացա, թե ինչո՞ւ մեզ Բաղշայում երեք օր սոված ու ծարավ պահեցին, որպեսզի ուժից ընկնեինք: Այդ գիշեր քանի հոգի որսվեցին, շիմացանք, բայց նրանց, որոնց ցերեկով որոշել էին, գտան ու տարան...

Առավոտյան դեռ արևը չծագած մեզ վեր կադրին: Ավելացել էր շարքային ոստիկանների կատաղութունն ու հայհոյանքը, որ մեր անհավատ շներին երեսից իրենք շոգին ճանապարհ քայլելով՝ շարշարվում են: Նրանք առանց բաշվելու ասում էին. «Քիչ մնաց, մի քանի ժամից կազատվենք ձեզնից»:

Արևը բավական բարձրացել էր, երբ մեզ նստեցրին գետի ափի լայնատարած մարգագետնի վրա, նախաճաշելու: Մոտակա գյուղի կանայք (հավանաբար բուրդ, որովհետև շագրայով չէին ծածկված) կաթ, մածուն էին բերել, անպայման մեզ ծախելու: Նրանք մեզանից 150 մետր հեռու նստել ու սպա-

սում էին, ըստ երևույթին՝ հրամանի: Ժանդարմների մի մասը գնաց նրանց մոտ, քիչ հետո վերադարձավ ասելով. «էն կանայք խեղճ գյուղացիներ են, շորից բանից, ինչ որ ունեք, տվեք թող հագնեն»: Առանց սպասելու մեր պատասխանին՝ սկսեցին իրենց ձեռքով առնել, որի վերարկուն, որի կոշիկը, որի բաճկոնը, այնթապցի Հովակիմի էլ վերմակն ու սպիտակեղենը, հավաքեցին տարան տվեցին նրանց ու փոխարենը կաթ ու մածուն առնելով կերան: Ժանդարմները նույնիսկ բացորոշ կերպով հայտարարում էին, թե այդ շորերը Ինձիրլի-Փունար հասնելուց հետո մնալու են անտեր:

Այստեղ գնդակահարեցին իղմիտցիներ՝ Համբարձում վարժապետին, տիրացու Հակոբին և կապուտաշյա Արիստակեսին, որպես փախուստի պատրաստվողների:

Այնուհետև շարունակելով ճանապարհը դեպի Մարաշ, երբ մոտեցանք առաջին սարի ստորոտին, Սև հարյուրապետը հրամայեց մեղ երկշարք անել, ու վազեցնել, որովհետև ճանապարհը անցնելու էր ցորենի արտերի և անտառի միջով: Հրամանը բուրբուկապետի կատարվեց. խառնվեցին, երկշարք կազմեցին և ոստիկաններն սկսեցին վազեցնել. հոտ մնացողին հրացանակոթն, սվինը, դրնդակը պատրաստ էր: Առջևի սալատաձև բարձրության լանջերին, ճանապարհի երկու կողմում դուրսից քուրդ ջահել հարսներ ու աղջիկներ հունձ էին անում մանգաղով, տեսնելով այդ, նրանք մանգաղները ձեռքներին, ապշած դիտում էին մեր գոյավիճակը: Առաջին շարքերից մեկ-երկու հոգի կարգից շեղ էին վազում: Կանանց հավասարվելով ժանդարմներից մեկը ցանկանալով իրեն ցույց տալ դավանակից իգական սեռին, առաջի ժանդարմին գոռաց «Ընկեր, այն «ուզուն բոյլուն» (երկայնահասակը) փախչելու է»:

Հրացանը ճայթեց, «ուզուն բոյլուն» փովեց ու գալարվեց, բայց մոտի ժանդարմը նրան սվինով հանգստացրեց:..

Կանայք ու աղջիկները երեսները շրջեցին հակառակ կողմը, սարսափից թե արհամարհանքից, շիմացանք:

— Հավ նշանառու շես, — հեզնեց առջևից գնացող ժանդարմը, — դե հիմա տես արտի եզերքով գնացող գլուխը «յազմալու» (գլխաշոռով) մարդուն:

Խոսքը դեռ չվերջացրած գնդակը սուլեց, «յազմալուի» գանգը պայթեց: Կենդանի մարդիկ դարձել էին նշանառության խրտվիչակներ: Երբ հաղթահարում էինք երկրորդ բարձրությունը, վաթսուներե մոտ մի մարդ, հարյուրապետին խնդրեց իրեն խնայել, չվազեցնել, ցույց տալով քրքրված ոտքերը:

— Ո՞րտեղացի ես, — հարցրեց հարյուրապետը կեղծ կարեկցանքով:

— Սվազցի, բեկ էֆենտի, — պատասխանեց ծերուկը:

— էֆրատ, ափսոս է, նրան Սվառ ուղարկիր, սվինահարիր, — հրամայեց

Սև հարյուրապետը ոստիկանին:

Այդ գաղանային կարգադրությունից սարսափած, ես շտապեցի առաջ, ետևից լսելով միայն մի խուլ տնքոց: Նույն ոստիկանը հասավ մեզ, անտարբեր իր կատարած ոճիրի հանդեպ:

Իմ ոտքերս էլ ցավում էին, սվազցուց առաջ ես էի պատրաստվում խնդրելու, բայց երբ այդ բանը տեսա, երկու ոտք էլ փոխ առա ու սկսեցի արագ վազել: «Ընդամենը 2—3 կմ և ահա մենք չկանք... Եվ վազում ենք, որ շուտ հասնենք մեր զոհարանին...», — մտածում եմ, այս բոլորը ինչի՞ համար... հայություն և Հայաստանի համար... բայց չի՞ կարելի արդյոք համակերպվել, իսլամություն ընդունել և ազատվել այս անտանելի շարժարաններից, հարց եմ

տալիս ինձ ու պատասխանում, բայց չէ՞ որ միայն ֆիզիկապես գոյություն
 կունենանք, ոչ ՀԱՅ անվան տակ և բարոյապես մեռած կլինենք: Ուրեմն լավ է
 ֆիզիկապես ոչնչանալ, քան բարոյապես... Սա գիտակցված նահատակու-
 թյուն է...»: Շուրջս մարդ չկար, թեև ես բավական թեթևաշորժ էի, բայց ինձ-
 նից շուտ վազողներ էլ եղել են: Որոշեցի ծառերից մեկի տակ մտնել, բայց
 հանկարծ ետևիցս հասան երկու քրտնախոր ոստիկան. սկսեցի կաղալով արագ
 քայլել. աչքները հռեցին վրաս, իսկ ես մտածում եմ ՎԱԹԱՆԻ մասին: Այս-
 պիսի օրհասական ժամերին նման մտքերը, կարծես բնագոգաբար, պաշարում
 են մարդուն: Սառնասրտորեն սկսեցի բարձր ձայնով երգել, նույն վայրկյա-
 նին միտքս եկած, «վաթանին» նվիրված թուրքերեն հետևյալ երգը.

Ո՛վ, փառավոր մայր հայրենիք,
 Ով, մայրական Օսմանիան,
 Տվեցիր մեզ փառք, զարգացում,
 Մատաղ է քեզ ամբողջ ազգը,
 Հազար ապրի հայրենիքը:

Երգեցի անվախորեն, ամեն ինչ աչք առած, «Օսմանիան» բառի առաջին
 «ՕՍ» վանկը «ԱՐ»-ի փոխելով, որ կլինի ԱՐՄԵՆԻԱՆ: Զինվորները ապուշ-ա-
 պուշ նայեցին ու անցան, ճբայլիք՝ գոռալով: Ուզեցի ծրագիրս իրագործել.
 սակայն շհաջողվեց: Ոստիկաններ կային: Գրեթե գիտակցությունս կորցրած,
 կիսախելագար էի դարձել: Ամեն ինչ մութն էր թվում: Բայց հույսի մի փոքրիկ
 նշույլով առաջացա: Պետք է ասեմ, որ իմ նկատմամբ անտարբեր էին կարծես,
 մեկ-երկու անգամ եղել են այնպիսի մոմենտներ, որ շատ հեշտությամբ կարող
 էին ինձ վերջացնել, բայց միայն «շուտ քայլիք» գոռալով բավարարվում էին.
 գուցե ինձնից ստանալիք սրև էլ բան չլինելու համար էր:

Սարի ստորոտում՝ ճանապարհի եզրին, ռշխարների ամառային կաթի
 համար պատրաստված մի աղբյուր մեջ հավաքվել էր կրտսեր հրամկազմը, ինչ-
 որ խորհրդակցում էին: Ոտքերս իբրևաբերաբար ուղղվեցին դեպի աղբյուր: Ան-
 վախ մոտեցա նրանց ու դասակասեցի ասացի:

«Բաշ չավուշ էֆենդի, Գուր հոգնած կը լինեք, Ձեր պայուսակը տվեք ես
 շալակեմ»:

— Զէ՛ս փախցնենք,— հարցրեց նա մեղմորեն, գլուխը բարձրացնելով և
 մի խուզարկու հայացք գցելով երեսիս, կարծես հեզնելով:

— Է, քայլելու կարողություն ունե՛մ, որ փախչելու մասին մտածեմ, —
 պատասխանեցի ընկճված:

Պայուսակն ու վերարկուն տվեց: Մյուս ոստիկանը՝ թե իմն էլ վերցրու:
 Համակերպվեցի և երկու պայուսակ ուսերիցս խաշկապ արած, վերարկուններն
 էլ նույն ձևով, դեռևս ճանապարհ չընկած, ասայի. «Էֆենդիներ, հրամանե-
 ցեք, որ ինձ բեռով չվազեցնեն և թույլ տվեք ջուր խմելու», Համաձայնվեցին:

— Հէյ, անձրևանոցով տղին մի դպչիք,— դուստց տասնապետը և այս
 հրամանը փոխանցվեց ժանդարմից-ժանդարմ:

3 է՛յ անեմիզ շանլը վարան.

է՛յ, մատերի Օսմանիան.

Վերդին բիզէ շան, ֆեյս ու շան,

Միլլեթ բյություն կուրբան սահան,

Դիելը յաշա շանլը վաթան:

Այժմ, որպես առանձնաշնորհյալ անձ, հանդիստ քայլում էի, թեև բեռն ծանր էր:

Հասել էինք սպանդի վայրը. ինձ բեռնաթափ արեցին և ամբողջով, ըստ սովորության, ծվարեցինք լայն ճանապարհի տակի արտի մեջ:

Սև հարյուրապետը, որ նախապես բլրալանջի մի քարի վրա բազմած ծխում էր, իր մոտ կանչեց կրտսեր հրամկազմին և ժանդարմներին, մի քանիսին թողնելով մեզ հսկիչ: Ես, որպես առանձնաշնորհյալ, կաթի տուփը վերցնելով գնացի ցածից հոսող առվից ջուր բերի 'Է.դամի Ղամար: Մինասն էլ, խնդրեց, նրան էլ բավարարեցի: Մարաշցի 50-ի մոտ մի մարդ, որ կողքիս ընկել էր կիսաուշաթափ, խնդրեց, որ իրեն մի բաժակ ջուր հասցնեմ: Կաթի տուփն առնելով երրորդ անգամ գնացի ջրի, բայց հենց ուզում էի վերադառնալ, ժանդարմի սվինի կոնակի հարվածից գոռալով փովեցի գետին: Բախտավոր էի, որ հարվածը սվինի ծալրով շէր: 'Էծվարություն վեր կացա: Տուփը նորից լցրի ու փորսող մի քիչ գնալուց հետո արագ քայլելով ջուրը հասցրի մարաշցուն: Նա ինձ օրհնեց...

Սև հարյուրապետը թե ինչ էր կարգազրկ ոստիկաններին՝ մեզ պարզ դարձավ միայն այն ժամանակ, երբ նրանք հրացանները ձգանի վրա պատրաստ շրջապատեցին մեզ: Իսկ մի քանի ժանդարմներ կաթի և պահածոների տուփերով առվից ազրոտ ջուր լցնելով սկսեցին բռնալ «Ջուր ուզող, գինը՝ փոքրը 25 դուրուշ, մեծը՝ 50, ապրանք շենք ուզում, միայն փող»: Մարդիկ ստիպված գնում էին, իսկ փողը հանելու ժամանակ «ջուր ծախողները» խուզարկու հայացքով նայում էին դրամապանակներին: Նույն պահին թփուտների միջից լսվեցին հրացանների կրակոցներ, մարդկային ձշոցներ ու հռուշանքներ: Զգիտենք մեզնից 10—15 քայլ հեռու ինչ է կատարվում, որովհետև իրավունք չունենք գլուխ բարձրացնելու:

Մոտ կես ժամ անց Մարաշի կողմից 2 հեծյալ ոստիկաններ ներկայացան հարյուրապետին և պատվի առնելով մի թուղթ հանձնեցին: Կարգալով այն, նա դժգոհությամբ գլուխն օրորեց ու մեզ շրջապատող ժանդարմներին «հանդիստ» հրամայեց:

Սև հարյուրապետը ցած իջավ ու խոսեց բարձր ձայնով, որով արտահայտում էր իր շնական ցասումը: «Տո, անհավատ շներ, — ասաց նա կատաղած, — ձեզ այստեղ սատկացնելու էինք, բայց ձեր կեղտոտ արյունը այս մաքուր դաշտի մեջ թափելով՝ գաշտը պղծվելու էր, իսկ ձեր գարշելի լեշերի հոտը շրջակայքը պիտի վարակեր: Ուստի թագավորը ձեր կյանքը մի քանի օր էլ երկարացրեց, հրամայելով ձեր հաշիվը մաքրել հարա-Քյոփրյույի մեջ. (Ուրֆայից 15 կմ հեռավորության վրա, գեպի Տիգրանակերտի կողմը: Զոհրատի ու Վարդգեսի սպանված վայրը), ուստի շնորհակալ եղևք փաղաճից և դուռադիք՝ փաղաճում շոք յաշա. (թագավորը շատ ապրի): Ժողովուրդը ոգևորվեց, կարծես մոռացավ քաղցն ու ծարավությունը, ինքնաբերաբար ասելով, թագավորը շատ ապրի մի քանի օրվա կյանք պարգևելու համար:

Վերջապես՝ երկու դասակապետներ մեզ առաջարկեցին յուրաքանչյուրից 100 դուրուշանոց 3-ական թղթադրամ հավաքել մինչև Մարաշ ղվազեցնելու համար: Պահանջվածք մեծ գումար էր, որովհետև շատերը շունեին: Բայց 1500 թղթադրամ հանձնեցին դասակապետ Ռիֆաթին:

Նորից շարվեցինք ճանապարհը շարունակելու համար. այդ վայրում թույլնելով բավական դիակներ, որոնցից մեկը Ֆրնտաճաղցին էր, որն իրեն գլորեց:

քարից, մեկն էլ մսավաճառ կյուղվիզը, մյուսները շիմացանք, բայց այնթապցի Հովակիմին էլ շտեսա: Ծանապարհ ընկանք հանգիստ քայլերով, այլևս պայուսակ չշալակեցի: Անցանք Ճիհան («Իլիականի» մեջ հիշված է Պյուռամոս) գետի վերին հոսանքը: Երբ բարձրանում էինք Մարաշի զառիվերը, արդեն սկսել էր մթնել: Սև հարյուրապետը հրամայեց. «Զինվորներ, այս սրիկաների շատը մարաշցի է, ճանապարհներին ծանոթ, խտացրեք շղթան, որ չփախչեն, շուտ քայլեցնել և շարքից ելնողին շինայել»: Զվազեցնելու խոստումը դրժեց: Գիշեր էր, երբ հասանք Մարաշի պարտեզները: Մթության մեջ ոչինչ չէր երևում, բացի ծառերի սիլուետներից: Լսվում էր միայն մոտակա ջրի խոխոջը:

Բացվեց առավոտը: Եկավ Մարաշի մյուսասարքը (ենթանահանգապետ) ոստիկանապետի, զինվորական մի սպայի և 10—12 ոստիկանների հետ: Ընկալահանձնողական արարողությունը կատարվեց առանց կորուստի մասին հարցվելու: Պակասում էր 307 մարդ: Եթե 7 հավ պակասեր, մեծ իրարանցում կլինեիր...:

Կեսօրին կանայք հասան մեզ, բայց շատերը մեզ հետ եղողների կանայք չէին. նրանց ամուսինների խումբը հետո պետք է գար:

Մարաշից ճանապարհը շարունակեցինք հանգիստ, ստանալով օրապահիկ հաց՝ շնորհիվ հույն սպայի:

Հասնելով Այնթապ փախա քարայրները, Գեղամին էլ հետս քարշ տալով:

Այն «մահվան դատապարտվածներից», որպես մոհիկան, այժմ կանք երկուսս, ես և Սահրատ Սելվինդյանը (Իրևան, Մաքսիմ Գորկու փողոց, № 55): Չորք-Մարզպանցի Մինոսին հանդիպեցի Հալեպում 1917 թ. ձմռանը, մարաշցի Մինասի (կարծեմ Անթոսյան) հետ աշխատում էինք Դարդանելում 1923 թ.: Դեպքը պատմելով՝ իրար ճանաչեցինք:

А. А. Гаспарян

СТРАНИЦА ИЗ ИСТОРИИ РЕЗНИ АРМЯН

Резюме

В данной статье, написанной автором, которого постигла общая участь трагедии армян, приводятся факты из воспоминаний о кровавых событиях 1915—1916 гг., когда в результате реакционной политики правительства Иттихада Османской Турции была организована массовая резня армян — неслыханное злодеяние в истории человечества.

С территории Османской Турции было изгнано многочисленное население армян.

С целью поголовного истребления большинство их было угнано в Сирийскую пустыню, где в невыносимо тяжелых условиях они работали на строительстве Багдадской железной дороги.

По приказу Талаата 1225 человек, которые находились в подземных тоннелях, после окончания работ были угнаны в сторону Мараша, где по дороге, в местечке Кара Кепрю, было совершено массовое их истребление.

Автор данной статьи находился в числе угнанных армян и спасся бегством.